

Libri accessii

TEXTA

Moravski Joannis; Cor
narium Theophili Ma-
rii.

Calissii typis S. J. 1675

THEOLOGIA.

N. 2110

COR SANCTVM
THEOPHILI MARIANI,
Pijs virtutum affectibus
Ad Deum, Deiq; Ma-
trem æstuans;

SODALITATI
POSNANIENSI
Immaculatè Conceptæ Vir-
ginis Deiparæ,

Xenij loco præsentatum

L.P. JOANNE MORAWSKI
SOC: IESV

Anno Salutis ineunte 1675.

CALISSIJ,
Typis Collegij Societ: IESV.



Vbi Thesaurus vester
est, ibi & Cor vestrum
erit. Luc: 12.



40870
I

APPRO



PERILLVSTRES
MAGNIFICI
GENEROSI DOMINI
SODALES MARIANI

Cum hoc anno, in Arena Scholastica, de Virtutibus ago, fructus eorum vobis inde fero, Lectissimi Reipublicæ istius Flores ac Decora. Actus, inquam, virtutum, & pios ad Deum, Deiq; Matrem, affectus: quos ut vobis præsentarem, facile mihi persuasit, & vestra præcella indoles, in hac ætate, sanctiori huic flammæ concipiendæ

piendæ aptissima; & mei Of-
ficij ratio, in Vestra Pietatis
Marianæ Palæstra, pluribus
annis, hoc unicè, è voto Apo-
stoli, laborantis, ut per virtu-
tis amorem, *Christus in vobis,*
eiusq; Divina Mater *formetur.*

A Quodsi Divini amoris fuit
artificium, cum B Catharinæ
de Raconis, Cor omnino pal-
lidum, & malè affectum, in
quo literis argenteis erant hæc
verba expressa, *IESUS spes*
mea, idem Divinus Sponsus
exemit, atq; emundatum, &
literis argenteis in aureas mi-
tatis, ornatum, pristino resti-
tuit loco! B quid ni ego, i

A Gal: 4 B 1. Paul. Barrij in Bland.
cap. 5. Exer. 8.

dem *Cor mundum*, (quod sibi
vates Regius postulabat,) *in*
vobis Theophili Mariani, a
Deo creari exoptem? quod à
teneris annis ita *ignito* Cha-
ritatis *Auro*, D ita colore vir-
tutis imbuatur, ut deinceps
tincturam vitii ægrè bibat.

Agite igitur, & Sanctum istud
Cor à me rudi calamo adum-
bratum, in pectore vestro re-
condite, atq; eo, (ut vos S.
P. N. Ignatii verbis, quibus
doctrinam Christianam con-
cludere solebat, alloquar,)

Amate Dominum Deum vestrum,
E ejusq; Pretiosissimam pul-
chra dilectionis Matrem, F nec

C *Psal: 50.* D *Ap. 3.* E *In vita ipsius.*

F *Ecc: 24.*

A 3

un.

unquam hoc Ignis Divini in-
cendium, vestali flamma re-
ligiosius, in Ara cordis vestri
extingui patiamini.

Vester addictissimus
Ioannes Morawski S.I.



APPRO-

ACTVS

Virtutum Theologicarum.

ACTVS FIDEI.

Prima & infallibilis Veritas DEUS meus, qui nec falli, nec fallere potes, *captivo* 2. Cor. 10 *intellectum meum in obsequium fidei,* & super omnia credo propter tuam solam veracitatem, omnia & singula quæ in Ecclesia Catholica revelasti. Credo quod sis, & quod remunerator sis. Credo omnia quæ revelasti de tua Unitate & Trinitate, de Incarnatione VERBI Divini, de Sacramentis, de Ecclesia, eiusq; capite, de cultu Sanctorum, de merito bonorum operum, de Purgatorio &c.

Protestor corā te quōd in hac,
& ex hac fide, vivere, operari, &
mori volo. Imō propter hanc fi-
dem defendendam, confirmandā,
dilatandam, volo mori, volo om-
niū Martyrum pari tormenta,
carceres, gladios, rotas, ignes, cru-
ces, equuleos, omnia ista super me
S. Ign. M. veniant, tantū ut te DEO meo
fruar.

In fide vivo, vivamque usq; ad
mortem, Filij DEI qui dilexit me,
Gal: 2. & tradidit semetipsum pro me. Te-
net me in hac fide consensus populo-
rum atq; gentium, tenet Auctoritas
miraculis inchoata, spe nutrita, cha-
ritate aucta, vetustate firmata. Te-
net ab ipsa Sede Petri Apostoli, cui
Aug. cont. E. pascendas suas oves Dominus com-
pist. fūd. mendavit, usq; ad presentem Episco-
patum successio Sacerdotum. Tenet
tot millionum Martyrum sangui-
ne consignata confessio.

Itaq; omnia perfidiae monstra
Atheismum Paganismum, Iudaismum,
mum,

num, Arianismum, Lutheranismum, Calvinismum, & omnes hæreses ab Ecclesia damnatas, ego pariter damno, execror, & anathematizo.

Credo Domine, adiuva incredulitatem meam Domine adauge nobis fidem. Da fidem vivam, quæ per dilectionem operatur. Marc. 9. Luc: 17.

ACTVS SPEI.

DEVS meus misericordia mea, *Spes mea ab uberibus Matris mee, in te iactatio mea, & omnis spes mea. Spero in te, & à te te ipsum. Spero per te, & per merita IESU Christi Domini Nostri Veniam, gratiam, gloriam, & omnia bona temporalia, & æterna. Spero quia bonus es nobis, quia es Omnipotens, quia fidelis es in promissis. Spero in te quia major est bonitas tua, quàm malitia mea, quia misericordia tua superexaltat iudicium.* Spero quia si filium tu- *Psal. 58. & 21. Iac. 2.*

- Rom: 8. *um Unigenitum nobis donasti, quomodo non omnia nobis cum eo donabis? Non timebo mala quoniam mecum es. Omnia possum in te qui me confortas. Dominus mihi adiutor, & ego despiciam inimicos meos. Dominus firmamentum meum & refugium meum; & liberator meus. O Domine in te confido non erubescam.*
- Psal. 21.
Philip. 4.
Psal. 117.
17. 24.

ACTVS TIMORIS DEI.

- Psal: 93.
95.
Iob: 26.
- D**EUS ultionum, DEUS terribilis super omnes Deos quis non timeas te, cum columna celi contremiscunt & pavent ad nutum tuum. Timeo igitur te Domine, DEUS meus, imprimis timere reverentia, admirando te super me existentem; & agnoscendo subiectionem meam secundum infinitam à te distantiam, recedo & resilio in abyssum nihili mei. Timeo etiam te timore pœnali non tanquam id quod timendum est, sed

Sed tanquam id à quo provenit
quidquid timendum est, quia hor-
rendum est incidere in manus tuas. Heb: 10.
Timeo te ut immittentem malum
poenæ, sed multò magis timeo te
ut permittentem malum culpæ.
Timeo te timore servili, ut servus
Dominum, & reus iudicem, ne
crucier in gehenna. Timeo te ti- Bernard
more Mercenarij, ut operarius re-
muneratore, ne excludar à glo-
ria. Sed potissimum timeo te ti-
more filiali, ut filius Patrem, ne de-
serar à gratia. Domine dum ve-
neris iudicare noli me cõdemna-
re, Ne proijcias me à facie tua, & Psal: 50.
Spiritus Sanctum tuum ne auferas
à me, Ne permittas me seprari
à te. Confige timore carnes meas, Pl. 118:
ut à iudicijs tuis timeam., utq; cū
timore & tremore operer salutem
meam.

ACTVS AMORIS DEI.

D EUS meus & omnia, summi S. Fran-
ac in- ciscus.

ec infinitum bonum, amo te to-
to me, & tota mea potentia ama-
tiva, sine ulla divisione cordis
mei in creaturas, quia es summū
bonum, continens modo optimo
omnem possibilem bonitatem, in
quamcūq; potest ferri amor me-
us. Amo te supra omnes divitias,
& honores, supra omnem Sapien-
tiam, pulchritudinem, potentiā,
& excellentiam creatam, supra
sanitatem, vitam & me ipsam,
quia es summum bonum supra
omne bonum.

P. Gasp.
Druzb.

Amo te feruentissimè, intensis-
simè, insatiabilissimè, & ut dice-
bat ille amator tuus, *Seraphicè,*
Marianè, Theandricè, omnitudina-
liter, omnipossibiliter. Et ideo as-
sumo, mihiq; unio corda amore
tuo ardentia omnium Sanctorum
hominum & Angelorum, omni-
umq; creaturarum rationalium
possibilium, adeoque Cor ipsius
Virginis DEIPARÆ, & cor huma-
nitatis

niratis Christi, hisq; omnibus te
ignitissimè amo. Amo te sine
modo, sine mensura, sine fine,
quia es bonum infinitum & im-
mensum. Imò si possibile esset,
Vellem te amare infinite, divinè,
quantum dignus es, quantum a-
mabilis es; sed quia hoc facere
non possum, suppleo id de tuis
bonis, tuumq; amorem divinum,
qui solus est æqualis amabilitati
tuæ, tibi offero, ac peto, ut Tu
tuo amore ames te, pro supplen-
do exili amore meo erga te.

Amo te *amore concupiscentia*,
quia mihi summum bonum es, &
& quia *mibi adharere tibi bonum* Psal: 72.
est. Amo te *amore amicitia*, qui
tu tibi, & in te summum bonum
es, id est purè propter te ipsum,
nullam intendendo mercedem,
tam in hac, quàm in altera vita.

Amo te *amore unitivo*, & ideo
abstraho cor meum ab omni cre-
atura, tibiq; illud, & me totum
unio,

Rom: 8.

Unio, ac in te quantum fieri potest transformo. Et quis me separabit à charitate tua? Neg, mors, neg, vita, neg, instantia; Neg, futura, neg, altitudo, neg, profundum, neg, ulla creatura.

Amo te amore appetitativo, & te, tuamq; gratiam plus aestimo, quam omnium alia bona possibilis creata, quibus omnibus potius priuari volo, & omnia mala poenae etiam infernum subire, quam unum gradum gratiae tuae amittere, & impedire. Quid enim mihi est in caelo, & praeter te quid volo in terra, DEUS cordis mei & pars mea DEUS in aeternum.

Amo te amore benevolentiae, & gaudeo quod sis id, quod es, gratulorq; tibi de tua Divinitate, de omnibus attributis tuis, de actibus liberis scientiae & voluntatis tuae, de personalitatibus, proprietatibus, processionibus Trinitatis tuae, & deniq; de omni gloria tua
extima

extrinseca, quam habes & habere
potes à creaturis. Et protestor
coram te, quod si per impossibile
aliquam perfectionem haberem;
quã ut careres, vellem illã priuari,
eamq; in te transfundere, ô pelagus
omnis boni DEUS meus.

Hac de causa desidero etiam
cum dispendio omnium bonorũ
& vitæ meæ, vt agnoscaris, ame-
ris, adoreris ab omnibus creaturis
rationalibus, in omnibus, super
omnia. Desidero item ardentissi-
mè ô pulchritudo infinita te vi-
dere, te frui per totam æternita-
tem, idq; non ideo, Quia hoc mi-
hi bonum est, sed quia tibi magis
placet; & ut te magis agnoscam,
amem & glorificem. *O quando
veniam & apparebo ante faciem tu-
am. Cupio dissolui & esse tecum.
Educ de custodia animam meam ad
confitendum nomini tuo, me expe-
ctant iusti donec retribuas mihi.*

Psal. 41.

Phil. 1.

Psal. 141.

Interim propter amorem tui,
aolo

nolo tibi unquam dare occasio-
nem displicentiæ ullo peccato,
etiam veniali. Volo de te sæpe
cogitare, sæpe loqui. Volo fre-
quenter ad te aspirare, Volo in
virtutibus & amore tui semper
crescere. Volo pro gloria tua:
propter te, multa difficilia agere
& pati, ad dandum gustum dul-
cissimo cordi tuo.

DEUS meus imple amore
tuo totam capacitatem cordis mei.
Da quod iubes Diligam te Do-
mine fortitudo mea, amplius &
amplius. *Amorem tuum solum mi-*

S.P. Ign. *hi dones & dives sum satis, dives
sum satis.*

ACTVS CHARITATIS Proximi propter DEVM.

2. Cor. 13. **D**EUS pacis & dilectionis pro-
pter te amo, sicut me ipsum,
& amplector in visceribus JESU
Christi, omnes proximos meos;
idq; ideo, quia in ijs relucet ima-
go tua;

go tua; quia omnes redempti
sunt pretioso Sanguine filij DEI:
Quia hoc est voluntas tua, ut o-
mnes simus unum, sicut tu unus es ^{Iohan: 17.}
in Trinitate: Quia hoc est manda- ^{15.}
tum Novum Redemptoris mei ut di-
ligamus invicem. Specialiter amo
propter te sicut me ipsum omnes
fideles, quia sumus unum corpus
sub uno capite I E S U Christi,
quia sumus *Cives Sanctorum & do-* Eph: 2.
mestici DEI. Quia *de uno pane ce-* 1. Cor. 17.
lesti participamus; quia ut spero
nos mutuo in celo amabimus:
eternam. Amo etiam propter
te sicut me ipsum omnes inimi-
cos meos, ijsq; ex corde condo-
no omnes meas offensas, ut tu Do-
mine dimittas omnia peccata
mea. *Domine ne statuas illis hoc* Act. 7.
peccatum, quod me aliquando of-
fenderint vel contristaverint.
Ignosce illis, non enim sciunt quid Luc: 23.
faciunt.

His omnibus & singulis proxi-
mis

mis meis, omnia opto bona spi-
ritualia & temporalia, quæcunq;
mihi opto; iisdemq; nullū opto
malum, quod mihi non opto.
His omnibus aduersa patientibus

Rom: 12. ex animo compatior & fleo cum
flentibus: Cum his gaudentibus
gaudeo, & de omnibus ipsorum
bonis congratulor, ut ita sit om-
Act. 4. nium nostrum cor unum, & anima
una, ad te DEUS meus perfectius
amandum hîc & in æternum.

Actus Virtutum Moraliū
Actus Adorationis & laudis
DEI.

Ap. 19. **M**AGNO DEUS, Rex Regum, &
Dominus dominantium, ego
vilissima creatura tua, procedens
Bern. ex abyſſo Vilitatis mex, nunquam
de palude ſua manucula, audeo
comparere ante Maieſtatem tuā
eidemq; obſtrepere. Fretus ergo
bonitate tua proſterno me in cæ-
trum nihili mei coram te, & re-
cogno-

10
Cognosce te DEUM ac Dominum
meum, primum principium & ul-
timum finem meum, teq; toto
me, affectu tibi gratissimo, mihi
possibili, imò affectu beatifico,
Sersaphico, Mariano, Theandrico,
affectu quò dignus es, supra ònia
adoro, laudo, glorifico, benedico,
magnifico, exalto, & omnes &
singulas tuas perfectiones Divi-
nas.

Adoro, laudo, magnifico, exal-
to; tuam *Aseitatem*, quã tibi te
solo sufficis, & à te es, quidquid es.

Tuam *Immutabilitatem* & im-
mortalitatem, quã *semper idem*
es, & anni tui non deficient,

Heb: 1

Tuam *Eternitatem*, quã prius-
quam formaretur orbis & terra à
seculo tu es.

Pf: 89.

Tuam *Immensitatem*, quã ce-
lum & terram implet.

Ier: 23.

Tuam *Omnipotentiam*, cui non
est impossibile omne Verbum.

Luc: 1.

Tuam *Sapientiam*, quã com-
prehen-

prehendis te ipsum, & omnia
possibilia, præterita, præsentia &
futura, ita ut omnia nuda sint &
Heb: 4. *aperta oculis tuis.*

Tuam *Voluntatem*, omnesque
eius *Virtutes*, *Charitatem*, *Mise-*
ricordiam, *Iustitiam* &c.

Tuam, *Bonitatem*, *Pulchritudi-*
nem, *Beatitudinem*.

Tuos *Actus* *liberos*, Tuam de
rebus omnibus *providentiam*, *præ-*
destinationem electorum, *reprob-*
tionem damnatorum.

Tuam *Admirabilem in Unitate*
Trinitatem, Tuas *Personalitates*,
Proprietates, *Origines*, *Relationes*,
Notiones.

Isaïæ 6. *Sanctus, Sanctus, Sanctus Domi-*
ne DEUS exercituum. Plena est o-
mnis terra gloria eius. Benedictio,
& claritas & honor DEO nostro in
Ap: 7; *secula seculorum.*

Psal: 76. *Exaltare super celos DEUS, &*
super omnem terram gloria tua.
Lauderis, glorificeris, ab omni-
bus.

bus, in omnibus, super omnia in
æternum.

Actus Gratitude.

Pater Misericordiarum & DEUS 2. Pet: 1.
totius consolationis, quàm bene-
ficus es Univerſis, & miſerationes Ps: 144.
tuæ ſuper omnia opera tua. Idcir-
co, magnificat te anima mea, quia
creaſti mihi & omnibus creatoris
magna qui potens es, & Sanctum Luc: 1.
Nomen tuum. Sis ergo benedictus
ab omnibus creaturis, in omni-
bus, ſuper omnia, pro omnibus &
ſingulis donis naturæ, gratiæ &
ſcientiæ collatis in tempore, & in
æternitate conferendis, Sanctiſſi-
mæ Matri eiufdem, omnibus &
ſingulis Angelis & hominibus,
comprehenſoribus & viatoribus,
prædeſtinatis & reprobis, iuſtis &
peccatoribus, ingratis, infideli-
bus, damnatis: imò etiam pro be-
neficijs omnium creaturarum ir-
rationalium quæ unquam fuerit,
ſunt,

Tunt, & erunt. Pro omnibus istis
creaturis tuam beneficentiam &
liberalitatem benedico, tibi que
gratias ago toties, quot beneficia
illis & mihi contulisti, & quot cō-
ferte per totam æternitatem de-
crevisti.

Sis benedictus in æternum pro
omnibus & singulis gratijs natu-
ralibus & supernaturalibus, in-
ternis & externis, habitualibus &
actualibus, universalibus & par-
ticularibus.

Sis benedictus pro beneficio
creationis, conservationis, coo-
perationis, exhibitio & exhiben-
do omnibus & singulis creaturis.

Sis benedictus pro Incarnatio-
ne VERBI Divini. Pro Vita,
Passione & morte JESU Christi.
Pro doctrina eius, consilijs, præ-
ceptis, exemplis, miraculis. Pro
redemptione nostra, pro institu-
tione & usu Sacramentorum. Pro
fundatione Ecclesie ac Religionū.

Sis benedictus pro infusione
gratiæ Sanctificantis, omniumq;
Virtutum supernaturalium, pro
Illustrationibus, & Inspirationi-
bus, excitantibus & adiuvantibus,
operantibus & cooperantibus,
prævenientibus, concomi-
tantibus ac subsequenter. Pro
concursu ad actus salutare, pro
gratia externæ protectionis; pro
omnibus miraculis, prophetijs,
& pro omnibus & singulis gratijs,
sive gratis cuicumq; datis, sive
gratum facientibus.

Sis benedictus pro prædestina-
tione, Vocatione, Iustificatione,
glorificatione omnium Electo-
rum.

Sis benedictus pro gloria no-
minis tui, propagata in celo & in
terra.

Sis benedictus pro omnibus
afflictionibus, persecutionibus,
doloribus, quæ ad castiganda mea
peccata ut iustus iudex, simulque

misericors Pater permisisti, aut
permittere decrevisti.

Ac deniq; sis benedictus pro
omnibus tuis decretis circa me-
am vitam, mortem & æternitatē.

- Pro his & singulis beneficijs,
confiteantur tibi Domine omnia ope-
ra tua, & Sancti tus benedicant Tibi.
Benedic anima mea Domino, & noli
Pf: 144. oblivisci omnes retributiones eius.
Qui coronat te in misericordia &
Pf: 102. miserationibus, & replet in bonis
desiderium tuum. Benedicam Do-
Psal: 33. minum in omni tempore, semper
laus eius in ore meo. Sit Nomen Do-
Pf: 112. mini benedictum, ex hoc nunc &
usq; in saculum.

Actus Oblationis.

- Primum principium, & cen-
trum ultimū rerum omnium,
Ap: 1. Alpha & Omega, DEUS meus,
tibi omnia debentur, quia omnia
tua sunt: Omnia igitur tibi, ac si
mea

mea essent, offero, dono, ac dedico in æternum.

Et imprimis offero tibi Te ipsum, nihil enim est teipso dignius: offero tuam excellentiam, Tuam pulchritudinem, Tuam te solo sufficientiam, Tuam de te voluptatem, Tuam tui laudem & amorem.

Offero Filij tui Unigeniti Redemptoris mei Incarnationem, Vitam, Passionem, & mortem, eiusdemq; omnes excellentias, omnes Virtutes, omnes actus Theandricos, labores, cruciatus. Offero illam ipsius oblationem quã de seipso Tibi facit in instanti Incarnationis, in templo presentatus, in ultima cœna, in ara crucis, & quam nunc ad dexteram tuam sedens facit, facietq; in æternum.

Offero Pretiosissimæ Virginis Deiparæ cor immaculatum, cum omnibus eius excellentijs, virtutibus

etibus, meritis, affectibus. Omnes
item illius oblationes præsertim
illam, quam tibi ipsa fecit in sua
immaculata Conceptione, in
Præsentatione, in Purificatione,
in Christi Filij sui Passione, ac de
niq; in morte sua felicissima.

Offero Omnium Sanctorum
Angelorum ac hominum laudes,
Tui, adorationes, amores, & om-
nes actus Virtutum Tibi sive
in via, sive in Patria exhibitos, &
tota æternitate exhibendos.

Offero Omnium Electorum
tuorum martyria, persecutiones,
dolores, mortificationes. Omnia
deniq; sacrificia seu cruenta, seu
incruenta in toto orbe unquam
tibi oblata & offerenda.

Quia verò ipse cum omnibus
meis bonis Tuus sum creatione,
Tuus conseruatione, Tuus redē-
ptione, Tuus fidei professione,
me quoque totum Tibi cum o-
mnibus bonis meis internis & ex-
ternis

terna in Sacrificium perpetuum
trado, offero, immolo. Offero
duo minuta corpus & animam
meam, ut Tibi seruiam. Offero
cor, ut te solum amem, & nihil
aliud nisi Te, vel propter Te. Of-
fero memoriam & intellectum,
ut nisi de Te, vel propter Te co-
gitem. Offero voluntatem, ut id
velim quod tu vis, id nolim quod
non vis. Offero omnes animæ
meæ potentias internas & exter-
nas, ut eis utar ad delectandum
Te, ad mortificandum me. Of-
fero famam meam, honorem di-
uitias, sanitatem & vitam, ut de
his omnibus disponas ad benepla-
citurum tuum. Offero omnes &
singulas actiones & passiones me-
as totius vitæ, mortis, & æterni-
tatis.

Hæc omnia offero Tibi DEUS
meus, per manus immaculatas
Virginis Matris Tuæ, Unita Sub-
stantiæ, potentijs, actionibus, &

passionibus IESU Christi Do-
mini mei, & Deiparæ Virginis,
Sanguine eiusdem Christi con-
sperfa, manibus Sacrosanctis be-
medicta, in corde & vulneribus
eius deposita.

Offero autem in recognitio-
nem supremi Tui Dominij & ex-
cellentiæ in omnes creaturas, &
in protestationem meæ subiectio-
nis erga te. Ad augendam glori-
am tuam accidentalem. Ad dan-
dam complacentiam gustui Tuo
Diuino. Ad ostendendam effica-
ciam Passionis Christi: Ad ex-
hilarandam totam Ecclesiam tri-
umphantem. In gratiarum actio-
nem pro omnibus beneficijs. In
satisfactionem pro omnibus pec-
catis. Ad impetranda mihi do-
na gratiæ & gloriæ, sicut Tu ipse
scis, potes, & vis. Utere me Do-
mine ad exaltandum te, ad de-
primendum me. Sim totus tuus
nunc & in æternum.

ACTUS

ACTVS

*Conformitatis cum Divina
Voluntate, seu Resignationis.*

ADoranda Sapiientissima, omni-
potentissima, beneficentissima
DEI Voluntas, subijcio me tibi
totum mancipoq; in æternum, &
amplector omnes tuas de me,
rebusq; meis æternas ordinatio-
nes; idq; ideo, quia sum tuus ef-
fentialiter servus, quia nullus ti-
bi resistere potest, quia omnia
de nobis sapientissime disponis,
quia nihil odisti eorum quæ fc-
cisti, & omnia ex amore pater-
no, erga nos decernis. Itaque
exuo me propria voluntate cæ-
ca, & nonnisi id quod noxium est
appetente, ut tua Divina regar
Sapientia, ut cor habeam, secun-
dum cor tuum, ut tua vivam vo-
luntate. Hoc tantum velo, quod
tu vis, hoc nolo, quod non vis

In omni-

- Luci: 12. *In omnibus non mea, sed tua voluntas fiat. Fiat ita o Pater sicut placitum fuit ante te ab aeterno.*
- Mat: 11. *Dominus es, fac quod bonum est in oculis tuis, Vis me divitem aut pauperem, honoratum aut contemptum, celebrem aut infamem,*
1. Reg: 3. *Paratum cor meum DEUS. Vis me saevum aut agrum, latum aut mærentem, Paratum cor meum DEUS. Vis me diutiùs vivere aut citò mori: Parum aut multum in virtutibus proficere; parvam aut magnam gloriam in caelo consequi, paratum cor meum DEUS. Ecce ego servus tuus,*
- Luc: 1. *fiat mihi secundum verbum, secundum decretum tuum.*

Resigno me adorandæ tuæ voluntati ad inopiam, ad infamiam, ad contemptus, ad extremos dolores, ad mortem, imò usque ad condemnationem æternam, usq; ad mei annihilationem.

P. Vin:

Volo habere id quod habeo, quia habeo

habeo quod volo, quia id volo, Carafa.
quod tu vis. In omni eventu Gen: VII
sive prospero sive aduerso, in so- S. J.
lacie & afflictione, in morbo & sa-
nitate, in vita & morte *benedicam* Pf: 33.
Dominum omni tempore, semper
laus eius in ore meo, quia semper
dignus est, quia semper Pater est.
Dominus dat, Dominus aufert, sit Job: 1.
nomen Domini benedictum.

ACTVS OBEDIENTIAE.

O Domine ego seruus tuus, & si Pf: 118.
liquo Ancilla tua: nonne igitur 16.
Tibi subiecta erit anima mea. En
ex nunc, pro semper, subijcio e-
am altissimae iurisdictioni Tuæ,
supreme legislator. Ac impri-
mis dispositione voluntatis meæ,
rerumq; omnium ad me spectan-
tium, plene committo voluntati
tuæ. Approbo omnia decreta
sua, & ordinationes aternas de
me,

me, rebusq; omnibus meis, quantumvis sensui meo repugnantes.

Volo integrè, promptè, hilariter, obedire tuis præceptis, Tuis consilijs, Tuis inspirationibus. Volo etiam obedire propter te superioribus meis in omnibus, ubi peccatum non apparet, integrè promptè, ad nutum, obedientiâ cecâ; idq; propterea quia omnis eorum potestas est à Te, quia in ijs Te cognosco, quia volo imitari Christum pro me obedientem usque ad mortem crucis:

Rom: 13.

Doleo quòd hæctenus Tibi inobediens fuerim, quòd jugum tuum confregerim, dixerimquè Non serviam. Pro omni mea inobedientia compensanda offero tibi omnes obedientiæ actus Christi Domini, Beatæ Virginis, & Sanctorum, qui hac virtute floruerunt.

Ier: 2.

Aug.
Ps: 142.

Domine da quod iubes, Et iube quod vis. doce me facere voluntatē tuam, quia DEUS meus es.

ACTVS CASTITATIS.

Seminator casti consilij **DEUS**, Ap: 14.
Sponse & Corona Virginum,
quem in celo, novo cantico lau-
dant Virgines; cui adeò Virgini-
tas placuit, ut **MATREM** non
aliam nisi Virginem elegeris; qui
Ioannem Apostolum propter eius
castitatem, præ ceteris dilexisti,
cumquæ tanquam gemmam pre-
tiosam in pectore tuo collocasti,
ac denique eundem Virgini **MA-**
TRI tuæ Tutorem & loco Tui fi-
lium, veluti Vice-Christum re-
liquisti, æstimo & amo castitatem,
quia Tibi adeo placet, quia sum-
mè placet Regina Virginum **Ma-**
tri Tuæ, quæ prima voto casti-
tatis facta, hanc Virtutem in
mundo plantavit: quia incorru-
ptio nos facit Angelis æmulos,
DEI proximos: quia hæc virtus
mere-

meretur specialem aureolam, & gaudium speciale per æternitatem, quia illo ineffabili cantico Virginum, in sublimi gloriæ monte, exhilarat cor DEI, & Beatæ Virginis, ac totius Ecclesiæ Triumphantis.

Idcirco immolo Tibi DEUS meus corpus meum, omnesque eius voluntates, in holocaustum perpetuum.

Volo cum omni custodia servare cor meum immaculatum, ut sit speculum mundum, in quo tu DEUS videaris.

Volo Angelicam puritatem, mentis & corporis castitatē imitari. Volo omnes occasiones huic virtuti contrarias evitare. Volo sensus omnes, tanquam mortis fenestras, cum omni diligentia custodire.

Odi & detestor, quidquid Angelicæ puritati adversatur. *Malo milles mori, quàm sedari.* Prostatos

S. Casimirus.

or coram Te DEUS meus & co-
m Sacratissima Virgine MARIA
te caelesti curia universa, quod
nucquid unquam acciderit sive
carne, sive à diabolo, tam in
cogitationibus quàm in affectibus
& sensibus meis, castitati repu-
gnans, id non solum præter, sed
etiam contra meam voluntatem
erit.

Quia verò nemo continens esse
potest, nisi tu DEUS dederis, ideo Sap: 8.
per puritatem cordis JESU &
MARIAE, suppliciter oro, Cor Psal: 50.
mundum circa in me DEUS, & Spi-
ritum rectum innova in visceribus
meis. Fiat cor meum immacula-
tum in iustificationibus Tuis, ut non Pl: 148.
confundar.

ACTVS HVMILITATIS.

DEUS qui humilia respicias, & Pl: 137.
alta à longe cognoscis, qui in- loc: 4.
perbis

perbis resistis, & humilibus das gra-
tiam, Ego pulvis & cinis, cum
magna confusione mea, agnosco
& confiteor coram te vilitatem
meam. Agnosco quòd ex me
nihil sum, nihil habeo, nihil boni
facio, nihil facere possum, ita ut

P. Vincē-
tius Ca-
rafa.

sim *Nihil carne coopertum.* Agno-
sco in meo intellectu cœcitatē
in voluntate malitiam, pertinaci-
am, inconstantiam: in appetitu
sensitivo, inclinationem ad ma-
lum, difficultatem ad bonum: in
corpore continuam mutabilita-
tem, mortalitatem, totque alias
indigentias, & misérias. Sed lon-
gè magis confiteor coram Te pec-
cata mea, quibus tam longè & te

August.

recessi in regionem dissimilitudinis,
ut meritò vocari debeam, non
modò Peccator, sed ipsum pecca-
tum.

Itaque coram te DEUS me-
us, cum sim nihil, pro nihilo me
habeo & sentemno. Imò recu-
ben

bens in novissimo loco, pono me sub 3. Fran-
pedibus Iudæ proditoris, meque pe- ciscus
jorem ipso reputo, utpotè qui à Borgias,
te pluribus beneficijs cumulatus,
Te pluribus peccatis offenderim.
Pono me sub pedibus mali Latro-
nis, Tecum crucifixi, quia Tibi
confixus Cruci, Te in maiori no-
titia tui, diutius operibus malis
blasphemo. Pono me sub pedi-
bus Luciferi, quia illius natura
longe nobilior est, & malitia uni-
co peccato contracto longè mi-
nor est, quàm mea. Pono me
denique infra omnem creaturam
irracionalem, quia nulla Crea-
tura irracionalis, est Tibi ingrata,
nulla peccabilis; cùm ego tibi
fiam ingratiſſimus, & maximus
peccator.

Quia verò omne malum merè-
tur odium, & quia me nihil peius
esse potuerit, nihil peius esse pos-
ſit, immo de facto nihil peius sit,
ideo me odio habeo, tanquam
odio digniſſimum. C2 Præ-

Isa: 36.

Præterea me semper suspectum habeo; mihi quæ in omnibus diffido tanquam arundini vento agitatae, nunquam baculo arundineo confractæ: ac planè despero de meis viribus, meritis, & virtutibus, utporè in nihilo meo fundatis.

Præterea negligo me, & meum obliviscor; cum sim objectum indignum memoriâ & providentiâ.

Præterea opto, in quantum id sine peccato fieri posset, ab omnibus negligi, contemni, malè judicari, odio haberi, diffamari, & omnes contemptus, odia, judicia, detractiones, volo hilariter pati, idq; ideo, quia his omnibus dignus sum, quia volo imitari Christum Dominum meum pro me contemptum, irrisum, conculcatum, consputum, malè judicatum, diffamatum, opprobrijs satiaturum: quia vole obedire eidem

Domini

Domino meo humilitatem præcipienti.

Deniq; nolo mihi in ullis meis factis & valentis complacere, & osculari manum meam; nolo gloriam apud homines & honorem quærere, cum mihi sufficiat apud Te laus mea, honor & gloria æterna D E U S meus.


Iob: 31.

Psal: 21.

Quòd verò aliquando me contra Te erexerim, quòd gloriam tuam furatus fuerim, doleo super omnia: & pro omni mea superbia in eius compensationem offero tibi omnes actus humilitatis Christi Domini, Beatæ Virginis, & Sanctorum humilitate insigni.

Domine non veniat mihi pes superbia: non ambulem in magnis & mirabilibus super me; ut promissa humilibus præmia feliciter consequar.

Psal. 55.
Pf. 130.



ACTVS PÆNITENTIÆ.

Ezech. 18. **B**ENIGNISSIME DEUS, qui non
vis mortem peccatoris, sed magis
ut convertatur, & visat. Ego indi-
gnissimus peccator, venio ad te
cum filio prodigo ex regione lō-
ginqua dissimilitudinis, accedo
cum fiducia ad thronum gratiæ
tuæ, frater pietate tuæ, ac mise-
ricordia infinita, & confiteor tibi
adversum me iniustitiam meam.
Psal. 32. *Pater peccavi coram te, non sum*
Luci 15. *dignus vocari filius tuus. Tibi soli*
peccavi, & malum coram Te feci.
Psal. 50. *Iniquitates meæ supergressæ sunt ca-*
Psal. 37. *pat meum, & sicut onus grave gra-*
batæ sunt super me. Peccavi su-
per numerum arenæ maris, & nō
sum dignus videre altitudinem
caeli, præ multitudine iniquitatis
meæ, quoniam irritavi iram tu-
am.

Ideo confundor & erubesco
coram te Domine DEUS meus,
& cum *Publicano non audeo oculos in calum attollere*, quia tot
peccatis animam meam contamina-
vi, meque exosum oculis
tuis reddidi: quia gratiâ & donis
eius spoliatus sum, *pauper, nudus,*
cæcus, miser & miserabilis: quia
ex filio Tuo, diaboli mancipium
effectus sum; quia dissipavi sub-
stantiam tuam, quia sum reus
moriis æternæ.

Luc: 18.

Ap: 3.

O Bonum omni amore dignif-
simum, retracto, damno, dete-
stor omnia peccata mea, ac de
illis doleo super omnia.

Doleo ex *motivo Spei*, quia a-
misi promissam mihi beatitudi-
nem, eiusque privationem me-
rui. Doleo ex *motivo Religionis*:
quia peccata mea sunt irreveren-
tia & contemptus Majestatis Tux,
ubique præsentis, & omnia vi-
lentis. Doleo ex *motivo Iustitiæ*:

quia Tuum jus proprietatis læsi.
Doleo ex motivo Obedientiæ, quia
Tuis præceptis inobediens fui.
Doleo ex motivo gratitudinis: quia
peccata mea sunt ingratiudo pro
tot beneficijs tuis. Doleo ex mo-
tivo Pœnitentiæ, quia honestum
est dolendo abolere peccata. Do-
leo ex motivo omnium virtutum,
quia peccata mea sunt dissonan-
tia rectæ rationi, & opposita Vir-
tutibus. Sed potissimum doleo
ex motivo charitatis: quia pecca-
ta mea sunt offensæ bonitatis Tux
infinitæ, tibiq; displicent summo
ac puro bono, quod super omnia
diligō.

Ps. 118. Utinam verò exitus aquarum
deducant oculi mei, quia non cu-
stodierunt legem tuam. Utinam
hoc lapideum cor meum aut do-
lore rumpatur, aut in lachrimas
diffuat. Sed quia anima mea si-
cut terra sine aqua Tibi; assumō
omnium pœnitentium cor con-

tritum & humiliatum, assumo
Petri, Magdalene, aliorumque
lachrimas, dolores & gemitus,
tibi que offero pro defectu con-
tritionis mee.

Ah utinam Te Summum bo-
num meum nunquam offendis-
sem! *Vae tempori illi, quo Te offen-*
di. Ergo nunc sic finis turpitu-
dinis mee. Dixi nunc ceppi. *Sta-*
tuo firmiter cum gratia tua custodi-
re judicia justitie tue. Malo mo-
ri quam fadari.

Aug.

Pf. 118.

Te misericordiarum D E U S,
procidens coram te cum serbo de-
cem millium talentorum debitor,
& sub pedibus tuis cum Magda-
lena gemens, supplex deprecor,
& per bonitatem cordis tui oro:
Miserere mei secundum multitudi-
nem miserationem tuarum dele in-
iquitatum meam. *Aberte oculos tu-*
os a peccatis meis, & omnes iniqui-
tates meas dele.

Mat. 18.

Pfal. 50.

En ex sanguine pretioso Filij
tui,

tui, in eius passione, mihi balne-
um ad ablutionem peccatorum,
preparasti: in hoc ergo sanguine
immergo factam peccatis animam
Ibid. meam. *Amplius lava me Domine
ab iniquitate mea, & a peccato meo
munda me.*

Mat. 18. Quia verò justitia tua exigit
debitam satisfactionem, *patientiam*
habe in me, & omnia reddam
tibi. Sed unde reddam inops &
pauper? Reddam ex infinito the-
saurò meritorum & satisfactio-
num Domini mei JESU Christi;
quas proinde satisfactiones & me-
rita, cum meritis & satisfactio-
bus Virginis DEIPARÆ, ac Electo-
rum tuorum, Tibi offero in satis-
factionem pro peccatis meis. Ipse
quin etiam in unione istarum sa-
tisfactionum volo in me punire
offensas tuas mortificationibus
meis. Volo pati omnia mala pœ-
næ, quæcunque immiseris, ut fiat
satis justitiæ tuæ. *Iram tuam por-
tabo,*

tabo, quia peccavi tibi. Domine. Mich. 7.
hic ure, hic seca, ut in eternum Aug.
parcas.

AFFECTVS

Ad B. Virginem

Affectus Adorationis &
Salutationis.

Augustissima Cæli terræq; Prin-
ceps, DEI MATER MARIA,
ad Tuos pedes provolutus, saluto
& adoro Te omni illa adoratione
hyperdulæ, cuius capax es: illa
reverentiâ, quâ Te salutavit Ar-
changelus Gabriel & Sancta Eli-
sabeth; illo cultu, quo Te colunt
Sancti Angeli, & homines Viato-
res & Comprehensores! illo ho-
nore, quo Te honoravit in terris
tuus *Filius Tibi subditus*, & quo
Te nunc honorat in celo: idque
facio propter maximam poti De-

Luc. 1.

Luc. 2.

VM excellentiam sanctitatis &
beatitudinis tuæ, propter admi-
rabilem Maternitatem tuam, pro-
pter altissimum dominium Tuum
in Creaturas.

Adoro & saluto Te tanquam
quartam in mundo Personam,
Uni secundam DEO; tanquam
primum objectum creatum Di-
vini amoris; tanquam *Matrem*,
in Carne Filij Tui Deificam, DEO
Homini imperantem; tanquam
causam de congruo meritoriam
omnis gratiæ & gloriæ puris ho-
minibus collatæ tanquam totius
universi Imperatrice.

Aloy.
Sider.

Saluto & adoro Animam Tu-
am, gratiâ plenam; Tuum intel-
lectum, tam scientiâ, in instanti
conceptionis infusa, quàm Lumi-
ne gloriæ & Visione DEI illumina-
tissimum: Tuam voluntatem
impeccabilem, organibus habiti-
bus & actibus virtutum ab ipsa
conceptione Tua ornatissimam.

Salu-

Saluto & adoro Tuum Corpus
Sacratissimum, DEO-Homini
in primo gradu consanguineum:
Tuum Cor semper immaculatū,
semper Amore DEI ardentissi-
mum: Tua beata Utera, quibus
Filium DEI lactasti: Tuas Ma-
nus, quibus eum portasti & am-
plexa es: Tuos pedes, quibus eum
comitabar's: Tuum os, quo ipsi
oscula imprimebas: Tuam lin-
guam, quā cum illo dulces sermo-
nes miscebas: Tuos oculos, qui-
bus illum amanter inspiciebas.

Saluto te & adoro,

<i>Aula Regis eterni.</i>	Aug.
<i>Altare Dei animatum.</i>	Metho.
<i>Armarium vite.</i>	Chrisp.
<i>Abyssus gratia.</i>	Damasc.
<i>Animata Dei viventis arca.</i>	Damasc.
<i>Complementū SSS. Trinitatis.</i>	Esieh.
<i>Celū Solis iustitia animatū.</i>	Andr.
	Hieros.
<i>Domina rerum omnium.</i>	Damasc.
	Domus

<i>Domus Sapientie.</i>	Hieron.
<i>Fons totius sanctitatis.</i>	Method.
<i>Forma DEI.</i>	Aug.
<i>Firmamentum omnibus firmamen- tis firmius.</i>	Bern.
<i>Gaudium omnium beatorum.</i>	Bern.
<i>Habitaculū incomprehensibilis na- tura.</i>	
<i>Invētrix gratie, genitrix vite.</i>	Bern.
<i>Liber incōprehensus Verbi.</i>	Epiph.
<i>Mediatric mundi.</i>	Bernar.
<i>Magistra illuminatrix Apostolorum.</i>	Idiotæ.
<i>Margarita Orbis terrarum.</i>	Cyrill.
<i>Monstrum SSmum, & caeleste pro- digium.</i>	Ignat. Mart.
<i>Pratum totius fragrantia Spiritus Sancti.</i>	Chrisipp.
<i>Promptuarium Divinae charitatis.</i>	Method.
<i>Propitiatoriū Univerſe terræ.</i>	Bern.
<i>Palatium Regis Angelorum anima- tum.</i>	Chrysoſt.
<i>Pelagus gaudij inexhaustū.</i>	Dawasc.
<i>Reparatrix humani generis.</i>	Aug.
	Reflan-

Restauratrix seculorum. Bern.

Receptaculum omnis puritatis. Bern.

Scala ad celos, & pons ad vitam.

Aug.

Sacrum totius Divinitatis. Peetr.

Damian.

Speculum Sanctitatis. Laur. Iustin.

Templum glorie DEI ornatissimum

Andr. Hier.

Thesaurus omnis Sanctitatis. Bern.

Ave Filia DEI PATRIS,

ave Mater Filij DEI, ave

Sponsa Spiritus Sancti, ave

Templum SSS. TRINITATIS.

Nota, recitanti hanc ultimam
Orationem, adjecto Pater & Ave,
concessa est Indulgentia Plenaria.

AFFECTVS
LAUDIS, & GLO-
RIFICATIONIS.

Gloriosissima DEI MATER,
laudo

laudo & glorifico Te omni laude,
Luc. 1. quâ digna es, quâ Te beatam di-
cunt omnes sive in coelo, sive in
terra generationes. Laudo & glo-
rifico Tuam admirabilem Mater-
nitatem: Tuam immaculatam
Conceptionem: Tuam purita-

Anselm⁹ tem. quâ maior sub DEO nequit
intelligi. Tuam Corporis pul-
chritudinem: Tuam Scientiam
ab instanti Conceptionis infusâ,
& Visionem beatam. Tuam gra-
tiae & gloriae ac Virtutum excel-
lentiam, supra omnium creatu-
rarum gratiam, gloriam ac Vir-
tutes; Tuum supra omnes crea-
turas dominium.

Vellem si possem, omnes lau-
des in Te congerere, quas totius
Orbis Incolæ, Tibi unquam, sive
scriptis, sive voce tribuerunt, tri-
buunt, & tribuent: adeoquæ,
quas ipsæ Tres Personæ Divinae
Tibi tribuent tota æternitate.

Mec ardentissimè desidero, ut
abo-

ab omnibus Creaturis rationalibus summè post DEUM laudaris & glorificaris, in æternum: atque, pro defensione & dilata-tione gloriæ Tuæ, sanguinem fua-dere, & mortem oppetere para-tus sum.

AFFECTVS

Amoris, & Appre-tiationis.

PREtiosissima, admirabilis, ama-bilissima Mater pulchra dile-ctionis, amo Te summè post DE-UM, totis medullis cordis, totis præcordiorum affectibus, amo Te amore mihi possibili, Tibi gratif- simo, amore illo quo digna es, idque propter sanctam post DEUM bonitatem, pulchritu- dinem, humilitatem Tuam, tam naturalem quam supernatura- Bernar. tom. 1. crea- ser. 61.

creatum, id est, Summum bonum
post CHRISTUM: quia es
primum objectum creatum amo-
ris Divini.

Appretio Te & æstimo plus,
quàm amicos & Cognatos meos.
plus quàm honores, opes, vitam,
sanitatem, mundum universum:
amplius quàm res omnes, sive in
cœlo, sive in terra, creatas: plus,
quàm Sanctos homines, & An-
gelos universos: idq; ideo, quia
Tibi uni plus se communicavit
Divina bonitas, quàm omnibus
creaturis simul sumptis.

Desidero amare Te, si fieri
posset, amore illo, quo Te amant
& amabuunt in æternum omnes
Electi; illo amore, quo Te amat
Humanitas assumpta Filij Tui;
illo amore, quo te amat SSS. TRI-
NITAS. Si mille, si infinita cor-
da haberem, illis te amarem.
Benedictum Cor Filij Tui, quod
defectus meos supplet amando

Te

Te infinitè: hoc Tibi cor donæ
& offero, eiusdemq; affectu Te
diligo.

Utinam Te orbis Univerſus a-
gnoscat, colat, amet, quantum
capax es. Volo id procurare eti-
am cum dispendio vitæ meæ, &
omnium bonorum temporalium.
Protestor coram Te ô Virgo In-
comparabilis, quòd paratus ſim
potius gehennam ſubire, quàm
minimam iacturam gloriæ Tuæ
pati.

AFFECTVS

Gratulationis.

O Mare gratiarum MARIA,
gaudeo & gratulor Tibi de
omnibus Tuis excellentijs, privi-
legijs ac donis naturæ, gratiæ, glo-
riæ. Gaudeo de Tua prædestina-
tione, quâ prædestinata es in mē-
te DEI ſimul cum Chriſto, ante
omnes

omnes creaturas ordine dignita-
tis, tanquam Mater DEI, tan-
quam finis proximus & Domina
Universi, tanquam Causa de con-
gruo meritoria prædestinationis
nostræ: tanquam Mater Electo-
rum, quos DEO prædestinanti
præsentasti.

Gaudeo de Admirabili Tua

S. Thom. Maternitate, quæ sis Mater DEI
l. parte naturalis, ac proinde *infinitæ quo-*
Qu. 75. *dammodo dignitatis.* Mater, cui
art. 7. DEUS Homo fuit subditus, Ma-
ter Deifica, id est, secundum ali-
quam Tux carnis portionem in
Carne DEI Filij Deificata: quod
sis consanguinea in primo gradu
CHRISTI quæ Hominis, & af-
finis in primo gradu eidem quæ
DEO: quod sis Comparentalis
DEO Patri, ut potè eundem
cum ipso habens filium: quod sis
Sponsa Spiritus Sancti: quod de-
nique sis *Complementum SSS. Tri-*
nitatis.

Gaudeo

Gaudeo de Tua Puritate, quòd
sis preservata ex meritis Christi,
non solùm à peccato originali, sed
etiam à debito proximo illud con-
traheudi; quòd sis semper libe-
ra ab omni peccato actuali etiam
veniali; quòd per gratiam Chri-
sti facta sis moraliter impecca-
bilis, *ita ut nec possis, nec potueris*
unquam peccare: quòd totà vita
tua fueris libera à fomite peccati,
à passionibus, à tentationibus in-
ternis.

Anton.
part. 4.
tit. 15.

Gaudeo de gratiæ Tuæ pleni-
tudine, quòd gratiam sanctifi-
cantem habueris maiorem omni
gratiâ Angelorum & hominum
collectivè sumptorum; quòd ha-
bueris omnes gratias gratis da-
tas; quòd sis Inventrix gratiæ;
quòd sis *thesauraria & dispensatrix*
gratiarum ita ut nulla gratia de ca-
elo in terram veniat, nisi transiat
per manus tuas: quòd deniq; tan-
quam

Idiota.
Bernar.

Bernar-
dinus
tom. 1.
Serm. 61.

quam Sponsa Spiritus Sancti ha-
bens quandam iurisdictionem in
omnes temporales processiones Spi-
ritus Sancti, & gratias.

Gaudeo de omnibus Virtuti-
bus tuis, quod eas habueris ori-
gine Maternitatis altissimas, in
gradu perfectissimas, in instanti
Tuae Conceptionis infusas, singu-
lis vitae mortalis momentis cre-
scentes, Voto confirmatas, puras
ab habitibus contrarijs, liberas à
passionibus, heroicis, Angelicis,
exemplares.

Gaudeo de Scientia tua natu-
rali & supernaturali in instanti
Conceptionis infusa, de tua fide,
à sensibus & phantasmatis inde-
pendente, de frequentibus reve-
lationibus extra Verbum, de co-
gnitione experimentalì Verbi In-
carnati, de visione beata in Ver-

Hieron. bo, quâ aliquando fruebaris.

Gaudeo de Tua Eminentia,
quod sis *Forma DEI*: id est, in-
candibile

eundem exemplar & Idea DEI
post Verbum, Compendium to-
tius perfectionis universi, Prima
Persona creata, Cooperatrix Chri-
sti in opere Redemptionis.

Gaudeo de Tua gloria, quâ ita
excedis gloriam Omnium Beato-
rum, sicut *circumferentia centrû*;
quod sis coronata à Patre æterno, Bernar.
honorata à Filio, dotata à Spiritu Tom. i.
Sancto; quod sis gloriosissima in ser: 61.
dotibus corporis, gloriosissima in
omnibus aureolis, gloriosissima Gerson.
in proprio throno, ita, ut imme- tomo 8.
diatè sub Hierarchia increata San- supra
ctissimæ Trinitatis sola constituas Magnifi-
superiorem omnibus Angelis Hie- cat.
rarchiam creatam.

Gaudeo quod habeas domini- Ansel.
um æquale tuæ voluntati *ita, ut*
si velis, nequaquam fieri non possit:
Dominium sine indigentia, Do-
minium sine subjectione ulli cre-
aturæ.

Has omnes perfectiones Tibi
ô Virgo

ò Virgo & Mater DEI Incom-
parabilis, toto corde faveo, ac si
mez essent: quin eas Tibi potius
faveo quàm mihi, quia placuit
DEO eas Tibi dare, non mihi.
Immo, si aliquam perfectionem
haberem, quàm Tu careres, vellem
illà privati, ut Tu eam haberes;
mallemque non esse, quàm in Te,
aliquid boni, quod habes nō esse.

ACTVS

Gratiarum actionis.

BENEFICENTISSIMA DEI Mater, fa-
tota cordis demissione, gratias
tibi ago pro omnibus affectibus
& obsequijs Christo Filio Tuo
impensis: pro concursu Tuo ad
Incarnationem Verbi Divini, ad
existentiam SS. Sacramenti, ad
redemptionem nostram, pro amo-
more, quo amas & in aeternum
amabis DEUM nostrum. Prop
impe

30
impetratis cuiuscunq; , & de con-
gruo premeritis, omnibus donis
naturæ, gratiæ, gloriæ. Deniq;
ago gratias Tibi, quòd sis Mater
nostri amantissima, Domina pro-
videntissima, Advocata apud DE-
VM fidelissima.

AFFECTVS

Oblationis.

Dignissima DEI Mater, non
sum dignus vocari filius tuus,
fac me obsecro unum ex manci-
cipijs Tuis. En corpus & animam
meam, spes & omnes res meas,
Tibi devoveo & mancipio in æter-
num, ut Tibi vivam, moriar Tibi,
æternùm Tuus. Offero me tibi
ad patiendum quidvis pro defec-
tione & augmento gloriæ Tux,
ad omnes labores superandos, &
propterea mortem.

Offero tibi omnes totius tem-
poris

poris & æternitatis actiones &
passiones meas, ut augeatur glo-
ria Tua accidentalis, ut manife-
stetur amplius nomen Tuum, u-
creetur amplius & amplius in
corde Tuo gaudium accidentale.

Sed quia hoc parum est magni-
tudini Tuæ, offero Tibi omnia
omnium Tuorum Clientum cor-
da, affectus & obsequia, quæ un-
quam Tibi facta sunt, & fient, &
quæ fieri velles. Præterea offero
Tibi Cor Filij Tui, cum omnibus
affectibus erga Te, in illo flagran-
tibus, & cum omnibus obsequijs
quæ ipse Tibi in terra exhibuit.

Cum hoc verò Corde JESU
purissimo, & Tuo, offero Tibi cor
meum impurum, ut mihi impe-
tres Puritatem mentis & corpo-
ris. Cum corde JESU mortifi-
cato & Tuo, offero Tibi cor me-
um immortificatum, ut mihi im-
petres mortificationem carnis, &
spiritus. Cum corde JESU &
Tuo

Tuo humillimo, offero Tibi cor
meum omni plenum vanitate &
superbia, ut mihi impetres ve-
ram humilitatem. Cum corde
Christi & Tuo illuminatissimo,
offeror cor meum obscuratum, ut
mihi impetres vivam fidem. Cū
corde JESU & Tuo per spem bo-
norum cælestium elevato, offe-
ro cor meum ad terram inclina-
tum, ut mihi impetres spem fir-
mam. Cum corde JESU & Tuo,
DEI amore flagrantissimo, offe-
ro cor meum frigidum, ut mihi
impetres ardentem DEI & Proxi-
mi charitatem.

AFFECTVS

Fiduciæ.

Mater Sanctæ Spei, in Te omnis Eccl. 24.
spes vitæ & Virtutis, Tu es
maxima post DEUM mea fiducia
& tota ratio spei meæ. Spero igi-
Bernar.

igitur per merita Tua, & inter-
cessionem omnia bona tempora-
lia & aeterna. Spero remissio-
nem peccatorum, gratiam, & vi-
sam aeternam, idque ideò quia es

Suar. Advocata nostra potentissima,
Disp. 23. quae plus potes sola, quam omnes
Sect. 3. Sancti simul: quia es Mater mi-
sericordiae: quia es Thesauraria
gratiae liberalissima. *In Te dulciss*
S. Bonav. *MARIA speramus, nos defendas*
in aeternum.

AFFECTVS


Petitionis.

MAter misericordiae, in nomi-
ne IESU Filij Tui, per boni-
tatem cordis Tui, Te oro suppli-
citer, *Monstra Te esse Matrem* in
omnibus meis necessitatibus spi-
ritualibus & corporalibus. *Ma-*

S. Fraa. *ter DEI memento mei: & impe-*
Xaver. *tra mihi apud Tuum Dilectum*
Filium

32
Filiū veniam peccatorū, gra-
tiam efficacem ad vincendas ten-
tationes, horrorem peccati mor-
talis, imitationem tuarum Vir-
tutum, præsertim Castitatis, fi-
malem, perseverantiam in gratia,
& mortem felicem. O MARIA
sis mihi propitia in vita,
morte mea, & æterni-
tate.

B. Stani-
slaus
Kostka.



19 v. 18. 6.

